

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 04/2-23-7/17

Bihać, 28.09.2017. godine

Na osnovu člana 52. stav 1. tačka b) Statuta Grada Bihaća (“Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća (“Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

O d r e đ u j e

Izvjestioca: Jasmin Stambolija, dipl. pol. na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o izmjenama i dopunama Odluke o javnom redu i miru

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za komunalne djelatnosti, vode
zaštitu okoliša i inspekcijske poslove
Broj: 04/2-23-7-20/17
Bihać, 10.10.2017.godine

GRADSKO VIJEĆE BIHAĆ
- o v d j e -

PREDMET: Prijedlog Odluke o izmjenama i dopunama Odluke o javnom redu i miru,
dostavlja se

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15) dostavljam vam Prijedlog Odluke o izmjenama i dopunama Odluke o javnom redu i miru.

Pravni osnov za donošenje:

Pravni osnov za donošenje Odluke o izmjenama i dopunama Odluke o javnom redu i miru, sadržan je u:

-članu 18. stav Zakona o javnom redu i miru USK-a (“Službeni glasnik USK”, broj: 15/10) kojim je propisano da Općinsko vijeće svojom odlukom može propisati i druge prekršaje protiv javnog reda i mira, te da je dužno u roku od tri mjeseca od dana stupanja na snagu ovog zakona uskladiti svoju odluku kojom se propisuju prekršaji protiv javnog reda i mira sa odredbama ovog zakona, i

-članu 35. tačka c) Statuta Grada Bihaća („Službeni glasnik Grada Bihaća“, broj: 13/15), kojim je propisano da Gradsko vijeće, u okviru samoupravnog djelokruga, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi donošenja:

Izradi prijedloga Odluke o izmjenama i dopunama Odluke o javnom redu i miru (“Službeni glasnik općine Bihać”, broj: 13/13) pristupilo se prvenstveno radi usklađivanja kaznenih odredbi ove Odluke sa kaznenim odredbama koje su propisane Zakonom o javnom redu i miru USK-a (“Službeni glasnik USK” broj 15/10), kada su u pitanju radnje, postupci i

ponašanja iz oblasti postupanja sa životinjama koja predstavljaju prekršaj protiv javnog reda i mira.

Naime, važećom Odlukom o javnom redu i miru su za prekršaje koji se odnose na puštanje i vođenje pasa bez zaštitnih sredstava na javnim površinama, držanje opasnih životinja na način koji može ugroziti sigurnost građana, te držanje životinja koje svojim glasanjem, lavežom ili na drugi način remete mir građana propisani veći iznosi novčanih kazni u odnosu na novčane kazne propisane Zakonom o javnom redu i miru, pa se predloženom Odlukom vrši usklađivanje visine novčanih kazni u navedenim propisima, a sve iz razloga izbjegavanja proizvoljne primjene propisa, odnosno razlike u sankcionisanju i visini novčanih kazni.

Nadalje, u skladu sa članom 161. Statuta Grada Bihaća ("Sl.glasnik Grada Bihaća", br: 13/15) kojim je i propisana obaveza usklađivanja propisa i akata sa Statutom Grada Bihaća, predloženom Odlukom izvršene su izmjene vezane za terminološko usklađivanje Odluke o javnom redu i miru u pogledu korištenja termina Grad Bihać, Gradonačelnik, Gradsko vijeće, umjesto dosadašnjih termina Općina Bihać, Općinski načelnik i Općinsko vijeće.

Radi gore navedenog, predlažem Gradskom vijeću Bihać usvajanje prijedloga Odluke o izmjenama i dopunama Odluke o javnom redu i miru kao u predloženom tekstu.

Potrebna finansijska sredstva

Za provođenje ove Odluke nije potrebno obezbjediti finansijska sredstva u Budžetu Grada Bihaća.

Obradivač:

Elvira Hadžić, dipl. pravnik

Prilog:

- 1.Prijedlog Odluke o izmjenama i dopunama Odluke o javnom redu i miru
- 2.Odluka o javnom redu i miru („Sl.glasnik Općine Bihać“, br. 13/13)
- 3.Izvod iz Zakona o javnom redu i miru („Sl.glasnik USK-a“, br. 15/10)

Gradonačelnik
Šuhret Fazlić

Na osnovu člana 18. Zakona o javnom redu i miru („Službeni glasnik Unsko-sanskog kantona“, broj: 15/10) i člana 35. tačka c) Statuta Grada Bihaća („Službeni glasnik Grada Bihaća“, broj: 13/15), Gradsko vijeće Bihać, na _____ sjednici održanoj dana _____2017. godine, donosi

Odluku o izmjenama i dopunama Odluke o
javnom redu i miru

Član 1.

U Odluci o javnom redu i miru („Službeni glasnik Općine Bihać“, broj: 13/13), u članovima 1., 2. i 6. riječi: „općina Bihać“ zamjenjuju se riječima: „Grad Bihać“, u odgovarajućem padežu.

Član 2.

U članovima 7. i 9. riječi “općinski načelnik“ zamjenjuju se riječju “gradonačelnik“.

Član 3.

U članu 7. riječi: „Općinskog vijeća Općine Bihać“ zamjenjuju se riječima: „Gradskog vijeća Bihać“.

Član 4.

U članu 11. briše se tačka „m“.

Član 5.

Iza člana 11. dodaju se novi članovi 11a. i 11b. koji glase:

„Član 11a.

Novčanom kaznom od 200,00 KM do 500,00 KM kaznit će se fizičko lice ako učini prekršaj iz člana 5. tačka m) alineja 1), 2) i 4).“

Član 11b.

Novčanom kaznom od 100,00 KM do 300,00 KM kaznit će se fizičko lice ako učini prekršaj iz člana 5. tačka m) alineja 3).“

Član 6.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće

Broj: GV _____

Bihać, _____2017. godine

Predsjedavajući Gradskog vijeća

Davor Župa